

松海

李根源



序

穹窿之麓。有小王山焉。爾其松栝楓栴。連阜跨谷。葳莎薇蕨。彌阜被岡。雲霞雕色。妙踰於畫工。亭館飛輝。巧增於錦匠。慈鳥啞啞。往往繞樹而飛。孝筍叢叢。每每傍階以長。斯惟福地。實曰名區。我閣揆李公廬墓之所也。公應福星而度世。含神霧而在山。蒸蒸大孝。廢蓼莪之聲詩。落落高風。謝簪笏於鞅掌。尋幽縱康樂而作。誓泉師右軍之文。而復託志丘中。寄情霞上。搜巖剔壑。補竹栽松。養泉石於性靈。長煙雲以聲價。人間逸士。地上神僊。加以傾心結客。雅愛留賓。早雁初驚。花開葉落。于定國之高門常啓。鄭當時之驛馬交馳。使五陵豪俠。爭願依劉。致九域俊髦。咸思御李。三明七穆。兩到雙丁。宛洛生徒。汝南車駕。捧敦槃而借至。囊鑊管以俱來。流連華子之岡。嘯傲欒家之瀨。結香山之社。不限於九人。

集淮南之作。有似於八公。琴尊啓處。雅韻流時。松擬崔立之哦。石學方干之問。銀鈎鐵畫。壁上留題。風語華言。花前覓句。青霞紺雪。沉博絕麗之辭。白鳳蒼龍。婀娜端莊之筆。極燕瘦瓊肥之妙。無鶴長鳧短之嫌。江山文藻。軒蓋風流。洵足以揄揚盛德。宣慰孝思者矣。時日既多。篇章遂積。命小胥而繕寫。託副墨以流傳。猥以菲才。嘗參末座。編集既成。誣諉爲序。裘名狐腋。未見以麻桌作緣。琴號龍唇。寧聞以祝園爲節。綴言承命。益慙增惶。

中華民國二十五年七月二十九日旬吳後學諸祖耿謹序

松海目次

松海集

松海石刻

闕瑩石刻

徐記

松海集

松海歌

侯官陳

衍石遺
年八十一

上冢龐公不勝數。誓墓右軍獨千古。何如我友李騰衝。買山葬親自負土。泌也宰相仍白衣。廣也將軍只射虎。贊皇草木平泉莊。豈若愿也盤谷得其所。我曾一宿來匆匆。見公手種甘萬松。我乃名之曰松海。擘窠上石屢磨礮。犒以食料何乃豐。有如烹羊供衛公。佐以花豬飫坡翁。知公非羨丁固十八公。只羨三層樓上聽松風。非羨張良訪赤松。非羨昇仙女騰空。只羨萬松老人築閣名從容。擅丘專壑此穹窿。我謂人生由命非由他。時至不出公如蒼生何。

題松海壁

喬松萬虬龍。怪石百虎豹。猶龍有老子。豺虎付一笑。據石聽松風。愴然發長嘯。

題松海

吳縣張一麐民備

風塵瀕洞人間世。爲聽龍吟植萬松。添得吾吳新掌故。小王山頂小隆中。

遊松海

滄縣張繼溥泉

大王卜宅小王山。野服芒屨意自閒。遙指吳宮無限憾。太湖秋月一沙灣。

印泉先生于小王山之陰。種松數十萬。石遺翁爲題曰松海。地多怪石。印泉先生屬余題識。因名曰石林。取吾祖石林公弁山舊號也。公本籍吳郡。晚乃居吳興。今蘇城故宅遺址猶在。下山奇石徧巖谷。不減小王山。余有意茸治以復兼山碧琳之勝。而力不能及。迄用無成。識此適增愧羨。因書四絕。以寫我心。

番禺葉恭綽遐菴

睥睨猶開萬古胸。陰厓風雨養髯龍。雲帆收罷無餘事。且領山中十萬松。小築經營不憚勞。聞根渾許習風濤。剔除荒穢陳幽曠。應爲茲邱賀所遭。

怪石嶽巒表萬殊。先生散策意何如。醉談儻及平戎策。誇富應增種樹書。

舊宅魚城杳道南。

石林公蘇城橋故宅在城橋故

故山青下黯烟嵐。人生祇合吳門住。佳處爲

留淨樂菴。

淨樂菴亦石林公下山所居

訪印泉先生松海遂遊穹窿寺

番禺王 蔭秋涓

秋光在野淨。山景延村紆。三里良不遙。隱見闕整廬。主人勤鑿畚。雜花滿庭隅。

萬松初結亭。波光接具區。

嶽上新築萬松亭對山面湖

綠隴石森立。磨崖名大書。彌望但蒼

蒼。於焉羨卜居。側徑入穹窿。相尋更幽殊。寒柯皆倪畫。冶葉似吳姝。世變及山

林。歲荒僧亦臞。廢興亦何常。功德惟匡扶。智哉姚少師。應變終逃虛。

姚廣字僧隱於山

說號適藏子

託跡故狡獪。遭時誠艱虞。憑高暢天風。放懷遺所拘。形勝攬未窮。落日

摧行輿。迴瞻中峯暮。王氣尙何如。

謁闕太君墓并遊松海呈印泉先生

鹽亭袁世潔煥仙

一笑投何處。山中宰相家。月隨雲浪闊。花傍馬蹄斜。謁墓慚籩豆。因風聽兔窟。嶺頭閒可得。郊外有龍蛇。

松海歌

吳縣趙廷玉雙修

李侯堂堂蘊奇抱。手闢雲山恣吟嘯。欲憑豪氣鎮風雷。種得萬松拂晴昊。緣崖聳壑蒼翠重。拔地一一飛蛟龍。洪濤千尋望無極。浩蕩直與滄溟同。石亭凌空勢突兀。我來勝遊當六月。但覺天風吹面寒。恍疑身入蓬萊窟。陰崖雷劈雲盪胸。此松不受秦皇封。鬚眉相對訝奇古。頗疑綺皓商山逢。人言松清石亦瘦。我愛獅巖獨雄秀。松聲撼石石不頑。更挾鳴泉作獅吼。杳杳白雲蒼蒼遠岫。可以鳴琴。宜言飲酒。落落清陰。山光在襟。此中有人。抱膝長吟。桃源何必在塵外。羨此林深澗曲得與長松奇石相追尋。吁嗟乎。小山招隱豈知己。華陽種松差可擬。盤根錯節憶當年。身經滄海難爲水。聊將邱壑寄經綸。宰天下亦當如是。關

地能爭造化功。奇觀得盡湖山美。兩面何妨占小王。東山暫可忘塵累。噫吁噫。鄧尉香雪惟一春。黃山雲海空氤氳。何若茲松四時青不改。十二萬年常見蒼波新。大廈成時藉梁棟。神州今日多風雲。要將幹地排天用。留待雄奇豪宕人。

松海詠四首呈雪生先生

淙淙泉水流鳴玉。謾謾松風生夏寒。萬頃蒼波渺無盡。定知中有蟄龍蟠。小王山色撲人濃。野服翛然獨倚筇。愛聽長風生萬壑。勝他陶令撫孤松。袖手看雲悟化工。危欄天半倚飛虹。憑高爲有猶龍在。百丈松濤盡下風。湖天極目興悠哉。更有髯僊結伴來。誰識經綸寄巖壑。佇看霖雨起風雷。

小王山十景做王摩詰詠輞川五言

湖山堂

築堂瞰湖山。攬勝忘塵事。朝來爽氣佳。開窗納晴翠。

小隆中

巖壑何深秀。此中大有入。似聞詠梁父。長嘯岸綸巾。

孝經臺

巖石象層臺。奇字供錢刻。萬古鎮人間。風霜不能蝕。

聽泉石

泉聲廣長舌。聽之非耳取。此是聲音禪。問石石不語。

梨雲澗

一澗繚而曲。溶溶春水香。何時乘月色。幽夢繞瓊芳。

靈池

浩蕩空明裏。瀾翻無盡時。靈源任疏淪。卽此悟天機。

可橋

泉聲轉雷轂。松韻奏笙簧。彷彿天台徑。悠然步石梁。

吹綠峯

吹得峯頭綠。東風最有情。丈人忽年少。應使米顛驚。

臥獅窩

蹲伏攝百獸。雄奇勢無匹。何當聞吼聲。驚起潛龍蟄。

萬松亭

石磴入松陰。煙光沒飛鳥。樹杪望吳山。數峯青未了。

水龍吟

松海

凌空萬丈洪濤。蒼煙密處乾坤小。長風一起。四山飛動。羣龍天矯。雷雨彌空。笙鏞酣谷。怒號萬竅。擁危亭。俯瞰太湖萬頃。清涼境。塵難到。岸幘有人吟嘯。望神州壯懷難了。南陽栖隱。東山高臥。一般襟抱。袖手看雲。聽泉倚樹。閒情多少。

恐風雲起蟄。未容龍臥向空山老。

乙亥季秋偕張景賢惠心可錢景肅遊小王山松海賦呈印老

靖江張 援滌珊

穹窿山下小王山。曾見先生杖策還。今古幾人真澹泊。不求聞達只求閒。大蓮池

只有一心事
只求閑句

幽居端的少驚煙。別有入間自在天。山似隆中松似海。出山何似在山泉。

乙亥大雪節遊松海

大關張維翰尊鵬

深翠鬱成海。山行雪乍晴。歲寒風正勁。來此聽松聲。

丙子四月重游松海和印老韻

大雲不作雨。山入萬松深。一幅隆中畫。獨爲抱膝吟。

游松海呈印老閣接

吳縣蔣雲階青嶽

山靜龍高臥。蒼生望若何。綠杉新野屋。碧嶂舊烟蘿。風動松成籟。雲深海欲波。知關憂樂念。霖雨起巖阿。

乙亥冬至遊松海訪印泉總長

天門唐仲寅賓如

白雲深處訪髻公。萬疊石山倒屣逢。欲買臙脂媚世眼。舉頭盡是後凋松。

丙子人日遊松海口占

吳興湯國梨影觀

覽勝不辭遠。棲山莫怨深。蒼茫松海裏。應有蟄龍吟。

松海贈印泉先生

未許斯人說避秦。十年養志息征塵。憑君莫問興亡事。亂世桃源有逸民。

登小玉山望弁山

偶來世外說桑麻。何處雲山是我家。茗水弁山勞悵望。長林羨斂晚歸鴉。

松海步月和佩諍韵並呈印泉先生

功名屠狗笑封侯。夢想林泉志未酬。今過先生高隱處。人間始信有丹丘。
松風明月似清秋。今夜何勞秉燭遊。好景已容佳客共。高吟直欲傲公侯。

登嶽峙山望太湖

登高觀太湖。湖在雲影裏。浩然發長嘯。萬山松風起。

留別小玉山

入山始信宿。便生出塵想。坐看遠雲起。臥聽流泉響。主人既好客。林壑亦清曠。
如何爛柯山。猶有歸樵唱。

丙子暮春留宿小玉山。次日與鷹若左耕登嶽峙山。歸來小憩道傍。草迷
古塚。樹接遙天。憶昔人有催人行樂塚高低之句。乃賦一律。

出岫孤雲豈復還。催歸多事笑啼鵑。喜看老笋成新竹。那得衰顏轉少年。芳草
猶添荒塚綠。岩花常傍夕陽妍。催人行樂君休負。爛柯山頭月正圓。

梨雲澗

偶尋深澗去。忽見縞衣人。垂袖香回雪。褰衣翠藉茵。渾疑天女舞。還妒玉梅新。窈窕春雲展。依依綠水濱。

聽泉石

久坐忽忘暝。天聲何處來。穹窿一脈水。流過小琴臺。小上山又梨澗飛谿雪。松濤震壑雷。何勞歌玉宇。此境遠塵埃。

丙子閏三月廿三日登湖山堂和左耕韻

白髮曾經滄海身。歸來花鳥亦相親。一椽占盡湖山勝。不羨桃源世外人。

題松海長松白鷺圖

蒼松氣自清。白鷺夢亦穩。素心共歲寒。悠然忘華衮。

四月十七日山中壽印泉先生

首夏喜清和。穹窿多氣象。山中有高隱。襟懷何浩蕩。不慕赤松子。自扶綠玉杖。簪纓既無束。風物恣清賞。仰看長庚星。遙共湖月上。爛然生光輝。流景其永昶。

侍母游松海

餘杭章

奇大可
十二歲

小王山是桃源境。置身松海亦快哉。萬松亭上憑欄望。山色湖光入座來。

題松海壁

用嫂氏湯夫人韻

騰衝李根源印泉

苟全於亂世。不覺入山深。高臥小隆中。聊爲梁父吟。

松海呈印老閣揆用影觀師韻

吳縣王 審佩諱

風謾山中相。山深人更深。萬松雲海處。自有老龍吟。

松海步月呈印老閣揆

葛巾野服謁來遊。誰識東陵一故侯。依約窳天山夜碧。寒林明月皎如秋。寒雲松海月中遊。東道來逢李鄴侯。萬壑龍吟勝梁父。隆中各自有千秋。

丙子四月初十日。繫八兒。屢民謁印老閣。揆於闕。瑩邨舍。值蠶事既登。大烹以餉諸教師。酒闌客散。信宿山莊。見樑間乳燕初飛。饒有生機。深羨隱居之樂。因卽事呈句。

斗酒烹羊効功日。稱絲分繭話桑麻。舊時葑屋茅簷燕。飛入山中宰相家。

松海和瑩師韻卽呈印老先生

吳縣王乘六心若

高隱意益遠。中原寇已深。腰間三尺劍。應又作龍吟。

題松海壁

吳縣周瘦鵑

十石搏百石。千松戰萬松。橫刀一長嘯。四山拜下風。

偕周瘦鵑徐潛秋金壽楣惠心可李錦章游松海

吳江范 鋪烟橋

春氣融殘雪。入山意快然。壯懷容松海。極目接湖天。俊侶題多石。餘情引遠泉。何須聞理亂。頤養不知年。